

# Powšitkowne WOZJEWJENJA

njedźelu, 22. nowembra 2015

## **Młodostni na Chrysta Krala do Chróścic**

Nyšpor wosebje za młodostnych budže na swjedženju Chrysta Krala njedźelu, 22. nowembra, w 14 hodž. w Chróścanskej cyrkwi. Po tym su na faru do „dziwadłoweje kofejownje“ přeprašeni.

## **„Messias“ k zakónčenju swjedženskeho tydženja**

Swjedženski tydzeń k znowawotewrjenju Budyskeje tachantskeje cyrkwy swjateho Pětra zakónča z předstajenjom Georga Friedricha Händeloweho oratorija „Messias“ tutu njedźelu, 22. nowembra, w 16.30 hodž. w Marije-Marćinej cyrkwi. Wšitcy su wutrobnje přeprašeni.

## **Zetkanje samostejacych w Smochćicach**

Samostejacy ze serbskich wosadow su na swoje přichodne zetkanje wutoru, 1. decembra, w 14 hodž. do Domu biskopa Bena w Smochćicach přeprašeni. Zajimcy njech so prošu hač do wutory, 24. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu.

## **Zetkanje Częstochowskich putnikow**

Putnicy, kotřiž su so lětsa pěši z Warszawy do Częstochowy podali, su na zetkanje do Radworja na faru přeprašeni. Tute budže pjatk, 27. nowembra, po wječornej Božej mši. Kemše započnu so we 18.30 hodž., do toho modli so wot 18 hodž. różowc.

## **Za Swětowe zetkanje młodžiny so přizjewić**

Serbscy młodostni podadza so klětu zhromadnje na Swětowe zetkanje młodžiny do Krakowa. Tute wotměje so wot 20. do 31. julija. Přizjewić měli so k tomu najpozdžišo hač do 20. januara 2016 z formularom. Tute su w cyrkwjach wupožene. Samsny formular je pod [www.posol.de](http://www.posol.de) wozjewjeny. Wšitke nadrobne informacije su na tutech flajerach tohorunja podate.

## **Adwentne paslenje**

Na paslenje adwentneje pychi přeprašuje dekanatne dušepastyrstwo sobotu, 28. nowembra, wot 13 do 17 hodž. młodostnych, mačerje a dalších zajimcow do Don Boskoweho domu we Worklecach. Kóždy ma swój předžělany material zaplaćić.

## **Ekumeniski nyšpor w Drježdźanach**

Serbja w Drježdźanach, jich přiwuzni a přećeljo su wutrobnje na ekumeniski nyšpor sobotu, 28. nowembra, ze superintendentom Janom Malinkom přeprašeni. Tutón budže w 15 hodž. w kapali cyrkwy swjateho Józefa w Drježdźanach-Pješinje (Pieschen), Rehefeldska 61. Po nyšporje zetkamy so w Šoćic kofejowni k bjesadze. Tam budže tež Smolerjec kniharnja ze swojim poskitkom.

*M. Bubnerjec*

## **Duchowna hudźba w Budyšinje**

Pišćelowa hudźba k adwentnemu časej zaklinči sobotu, 28. nowembra, w 19.00 hodź. w Budyskej cyrkwi Našeje lubeje knjenje. Na pišćelach zahraje młody organist Feliks Brojer twórby Bacha, Bruhnsa, Guilmana a druhich. Zběrka při durjach budže za wobnowjenje wobojich pišćelow w tachantskej cyrkwi.

## **Beneficny koncert a spěwny wječork w Jaseńcy**

Na serbski beneficny spěwny wječor sobotu, 5. decembra, w Jaseńcy přeprošuje Florian Rynč zhromadnje z muskim spěwnym kwartetom „PoŠtyrjoch“. Započatk w Rynčec bróžni w Jaseńcy (čísło 8) je w 19.30 hodź. Wopytowarjo smědža so na wotměnjawy program wjeselić. Nimo skupiny „PoŠtyrjoch“ wustupi Spěwny consorcium seniorow. Wunošk z wječora nałoži so za pomocnu akciju Towarstwa Cyrila a Metoda „Łužica pomha“. Po koncerće su wšitcy na zhromadne spěwanje přeprošeni.

## **Pišćelowy koncert z Tomašom Žurom**

Na předwječoru druheje adwentneje njedźele sobotu, 5. decembra, w 17 hodź. wuhotuje organist Berlinskeje katedrale swjateje Jadwigi Tomaš Žur pišćelowy koncert w Ralbičanskej cyrkwi. Rodženy Baćonjan zahraje twórby Bruhnsa, Bacha, Dandrieua, Mozarta a Hakima. Wšitcy su wutrobnje přeprošeni.

## **Adwentne wiki w klóštrje Marijinej Hwězdze**

We wobchodze a bróžni klóštra Marijineje Hwězdy w Pančicach-Kukowje přewjedu so pjatk a sobotu, 4. a 5. decembra, wot 8.00 do 18.00 hodź. adwentne wiki. Sobotu popołdnju w 14 hodź. poswjeća powjetšeny džěl klóšterskeho wobchoda. Džěci móža sobotu w tym času, hdyž so dorosćeni rozhladuja, paslić abo na bajku słuhać. Mjez druhim poskića tam wobaj dnjej pječwa z klóšterskeje pjekarnje, dziwinu z klóšterskich lěsow a ryby z klóšterskich hatow.